

影刊宋金元明本詞

第二三册

秋崖先生小藁目錄

卷之三十五

卷詞

滿江紅 三闋

水調歌頭 七闋

沁園春 七闋

望江南

蝶戀花

木蘭花慢

如夢令 二闋

卷之三十六

賀新涼 五闋

西江月 三闋

一落索 二闋

漢宮春 二闋

酹江月 七闋

水龍吟 二闋

滿庭芳

喜遷鶯

浣溪沙 二闕

卷之三十七

齊天樂

花心動

風流子

瑞鶴仙 二闕

哨遍 二闕

眼兒媚

鵲橋仙

玉樓春

虞美人

卷之三十八

一翦梅

燭影搖紅

最高樓 二闕

行香子

江神子 二闕

水調歌頭

瑞鷓鴣

醉江月

蒲天芳 二闕

百字謚

秋崖先生小藁目錄終

秋崖先生小藁卷之三十五

方岳 岳忘入率 巨山

詞

滿江紅

乙巳生日

說與梅花且莫道今年無雪君不見秋崖髮底莖
莖騷屑筆硯只催人老大湖山不了詩愁絕問笻
筇何事下磯來拋雲月 重省起西山笏終負却
東山屐把草堂借與鷺眠鷗歇烏帽久閑蒼蘚石
青衫今作枯荷葉笑人間萬事竟何如從吾拙

九日治城樓

且問黃花陶令後幾番重九應解笑秋崖人老不
堪詩酒宇宙一舟吾倦矣山河兩戒天知否倚西
風無柰劔花寒虬龍吼江欲醜談天口秋何負
持螯手儘石麟蕪沒斷煙衰柳故國山圍青玉案
何人印佩黃金斗倘只消江左管夷吾終須有

和程學諭

蒼石橫筇松風外自調龜息渾不記東臯秋事西
湖春色底處未嫌吾輩在此心說與何人得向海
棠爛醉過清明酌佳節君莫道江鱸憶吾自愛
山泉激儘月明夜半杜鵑聲急人事略如春夢過
年光不啻驚弦發怕醒來失口問諸公今何日

水調歌頭

九日醉中

左手紫螯蟹右手綠螺杯古今多少遺恨俛仰已
塵埃不共青山一笑不共黃花一醉懷抱向誰開
舉酒屬吾子此興正崔嵬夜何其秋老矣盍歸
來試問先生歸否茅屋欲生苔窮則簞瓢陋巷達
則鼎彝清廟吾意兩悠哉寄語雪溪外鷗鷺莫驚
猜

平山堂用東坡韻

秋雨一何碧山色倚晴空江南江北愁思分付酒
螺紅蘆葉蓬舟千重菰菜蓴羹一夢無語寄歸鴻

醉眼渺河洛遺恨夕陽中
嶺洲外山欲暝歛眉
峯人間俯仰陳迹歎息兩僊翁
不見當時揚柳只是從前
煙雨磨滅幾英雄天地一孤
嘯匹馬又西風

九日多景樓用吳侍郎韻

醉我一壺玉了此十分秋
江濤還此當日擊楫渡
中流問訊重陽煙雨俯仰
人間今古此意渺滄洲
天地幾今夕舉白弄君浮
舊黃花新白髮笑重
遊滿船明月猶在何日
大刀頭誰跨揚州鶴去已
怨故山猿老借箸欲前籌
莫倚欄干北天際是神
州

壽丘提刑

甕社有明月夜半吐光寒淮南草木飛動秀出斗
牛間自有秦沙以後試問少游而下誰捲入毫端
補袞仲山甫冰雪照雲裳一霄漢近繡衣去錦衣
還江南且爲梅醉莫道歲將闌三百六旬欲換五
百歲終絕始日月兩循環酌彼金錯落澆此碧琅
玕

壽吳尚書

明日又重午攬借玉蒲香勸君且盡杯酒聽我試
平章時事艱難甚矣人物眇然如此騷意滿瀟湘
醉問屈原子煙水正微茫
遡層巒浮疊嶂碧雲

鄉眼中猶有公在吾意亦差強曾次甲兵百萬筆
底天人三策堪補舜衣裳要及黑頭耳霖雨趁梅
黃

壽趙文昌

剡曲一蓬月乘興到人間蓬萊山在何處鶴骨不
禁寒曾有雲門禹穴筆有禊亭晉帖風露洗脾肝
秋入紫宸殿磨玉寫琅玕問何如趨瑣闥繫絨
鞍江濤今已如此可柰寸心丹我宋昇天無極公
等如春難老王氣自龍蟠勲業付浯石留與世人
看

別廬山題龍湖閣

宇宙一杯酒，暝色倚重湖。青山杳杳，何處煙水滂。
愁予別岸風濤噴，薄半夜魚龍悲歎。能撼我詩無。
李白醉不醒，喚起問何如。是耶非天莽，蒼雪模糊。
蒼顏白髮如此空，復笑今吾寄語鷺朋鷗侶好。
在風殮水宿底處，不煙蕪。吾亦從此逝，從我者誰
歟。

沁園春

賦子規

儘爲春愁儘勸春歸，直恁恨深。况雨急黃昏，寒欺
客路，月明夜半。人夢家林，店舍無煙，楚鄉寒食，一
片花飛，那可禁小凝竚。黯紅蕩翠老，江樹陰陰。

汀洲杜若誰尋想朝鶴怨兮猿夜吟甚連天芳草
淒迷離恨拂簾香絮撩亂深心汝亦知乎吾今倦
矣甕有餘春可共斟歸來也問淵明而後誰是知
音

隰栝蘭亭序

汪彊仲大卿禊飲水西令妓歌蘭亭皆
不能乃爲以平仄度此曲俾歌之

歲在永和癸丑暮春修禊蘭亭有崇山峻嶺茂林
脩竹清流湍激映帶山陰曲水流觴羣賢畢至是
日風和天氣清亦足以供一觴一詠暢叙幽情
悲夫一世之人或放浪形骸遇所歆雖快然自足

終期於盡老之將至後視猶今隨事情遷所之既
倦俛仰之間迹已陳興懷也將後之覽者有感斯
文

用梁權郡韻餞春

鶯帶春來鶻喚春歸春總不知恨楊花多事杏花
無賴半隨殘夢半惹晴絲立盡碧雲寒江欲暮怕
過清明燕子時春且住待新筍熟了却問行期
問春春竟何之看紫態紅情難語離想芳韶猶剩
牡丹知處也須些个付弄茶縻喚取娉婷勸教春
醉不道五更花漏遲愁一餉笑車輪生角早已天
涯

壽趙尚書

蠢彼黠黠嗟爾何為敢瞰長淮遣詩書元帥又勞
指畫神僊壽日不放襟懷略已三年可曾一笑天
豈慳吾老子哉諸人者且携將雅頌留待磨崖
我姑酌彼金壘便小醉寧辭鸚鵡盃問今何時也
子其休矣有如此酒奚取吾儕帝曰不然政須卿
輩作我長城惟汝諧凝望處見紅塵飛騎捷羽東
來

和宋知縣致苔梅

為羨

芳鐵石心腸寄春一枝喜蘚生龍甲那目
橫鶴膝不受寒欺雲卧空山夢回孤驛生

怕渠嗔未敢詩江頭路問銷覓幾許索笑何時
賦成字字明珠君莫倚家風舊解題歎水曹安在
飄然欲去逋僊已矣其與誰歸煙雨愁予江山老
我畢竟歲寒然後知微酸在儘危譙斜倚殘角孤
吹

和趙司戶紅藥

把酒問花靈粟梢頭春今幾何笑身居近侍階翻
萬玉面勻菩薩髻擁千螺一一牙籤英英碧字占
定花間甲乙科歸來也傍紫薇吟處揉作陽和

祇今花事無多看幾許風煙付與他待圍將翡翠
怕蜂粘粉織成雲錦遣鳳銜梭誰剪并刀贈之燕

玉莫負雙娥嬌溜波花應道儘花強人面底用能
歌

和林教授

子盍觀夫商丘之木有樗不才縱斧斤睥睨何妨
雪立風煙傲兀怎問春回老子似之倦遊久矣歸
睨漁簑羨竽魁村鉏外聞韭今有子芥已生臺

天於我輩悠哉縱作賦問天天亦猜且醉無何有
酒徒陶陸與二三子詩友陳雷正爾眠雲阿誰敲
月不是我曹不肯來君且住怕口生荆棘曾有塵
埃

望江南

乙未生日

時赴官淮東以是日次南徐泊舟普照
寺下侍親具湯餅寺中門有扁曰壽丘
山親意欣然蓋以丘山爲岳字云

梅欲老撐月過南徐家口縱多難減鶴路程不遠
易携書只是廢春鋤 霜滿袖茶竈借僧廬湖海
甚豪今倦矣丘山雖壽竟何如一笑薦冰蔬

蝶戀花

用韻秋懷

鴈落寒沙秋惻惻明月蘆花共是江南客騎鶴樓
高邊羽急柔情不盡淮山碧 卅路只催雙鬢白

菰菜蓴羹正自令人憶歸夢不知江水隔煙帆飛
過平如席

又

山抹脩眉橫綠淨浦溆生寒立盡梧桐影香爇未
消簾幙靜醉紅如洗風吹醒 一夜秋聲連玉井
夢落孤蓬已盡山陰興戍角淒涼清漏永江南煙
雨何堪省

又

秋水涵空如鏡淨滿鏡清寒倒碧搖山影葑戶誰
杼圓玉靜碧紗人怯黃昏醒 叢桂小山寒井井
喚起江南一葉蓴鱸興先自新愁愁夜永不堪宋

重提省

木蘭花慢

吳尚書宴客連滄觀即席用韻

慨情江渺渺乘風下倚滄浪問許大乾坤金焦兩
點曾幾興亡平章古人安在但青山煙水共微茫
不道鷺嘲鷗笑歸來鬢已蒼蒼垂楊舞盡斜陽
雙燕語儘渠忙黯柔情不管花深傳漏羽急飛觴
思量人間如夢放半分佯醉半佯狂明日海棠猶
舊春風未老秋娘

如夢令

春思

知是誰家燕子直恁惺鬆言語深入綉簾來無奈
落花飛絮春去春去且道干卿何事

海棠

雨洗海棠如雪又是清明時節燕子幾時來只了
爲花愁絕愁絕愁絕枉與春風分說

秋崖先生小藁卷之三十六

方岳 巨山

詞

賀新涼

別吳侍郎

秀 吳時間居數夕前夢枯梅成林一枝獨

霜月寒如洗問梅花經年何事尚迷煙水夢着翠霞尋好句新雪攔干獨倚見竹外一枝橫蘂已占百花頭上了料詩情不但江山耳春已逗有佳思一番吹動人間世柰何地叢篁低碧巧相虧蔽

儘讓春風凡草木便做雲根石底但留取微酸滋味
除却林逋無人識算歲寒只是天知己休弄玉怨
逐暮

戊戌生日用鄭省倉韻

問訊江南客怕秋崖苔荒詩屋雲侵山屐留得釣
竿西日手夢落鷗傍鷺側倩傳語溪翁將息四十
飛騰斜暮景笑雙篷一懶無他畫惟飽飯散輕策
世間萬事知何極問乾坤待誰整頓豈無豪傑
水驛山村還要我料理松風竹雪也不學草顛詩
白自有春簑黃犢在儘諸公寶馬搖金勒容我輩
醉雲液

寄兩吳尚書

鴈向愁邊落渺汀洲孤雲細雨暮天寒角有美人
兮山翠外誰共霜橋月壑想朋友春猿秋鶴竹屋
一燈棊未了問人間局面如何着風雨夜更商略
六州鐵鑄從頭錯笑歸來冰鱸堪鱸雪螯堪嚼
莫遣孤舟橫浦溆也怕浪狂風惡且容把釣綸收
却雲外空山知何似料清寒只與梅花約逋老句
底須作

戊申生日

一笑君知否笑當年山陰道士行歌樵叟五十到
頭公老矣只可驚朋鷗友便富貴何如杯酒好在

歸來蒼崖底想月明不負携鋤手誰共酌剪霜韭
乾坤許大山河舊幾多人劔倚西風筆驚南斗
俛仰之間成陳迹亡是子虛烏有渺煙草不堪回
首隔塢築亭開野迳儘一筇兩屨山前後春且爲
催花柳

已酉生日用戊申韻時自康廬歸猶在道
也

天意然乎否待相携風煙五畝招邀迂叟屋上青
山花木野儘可兩朋三友笑老子只堪棊酒似恁
踈頑何爲者向人前不解高义手寧學圃種菘韭
春猿秋鶴皆依舊怪吾今鬢已成絲膽還如斗

誰與廬山麾之去爾輩何留之有黯離緒暮江搔
首非我督郵猶束帶這一歸更落淵明後君試問
長亭柳

西江月

以兩鶴壽老人

茅屋何堪翠袖芝田自有霓裳一雙雪舞碧雲鄉
富貴人家以上竹外山童敲臼梅邊溪友傳觴
青霞道服石爐香便是壽星模樣

和鄭省倉韻因以爲壽

燕子催將初度梨花指定清明春風可是太多情
樂事良辰一併絳老從頭甲子楚騷幾度庚寅

晴光不隔鳳凰城
花底舉頭天近

又

蔬甲初肥雨潤茶
鎗小摘春明野籬
是處可詩情
打過下湖船併
捷報秋來旁午賢
關早晚同寅
綠楊連騎帶春城
不問南山遠近

一落索

九日

瘦得黃花能小
一簾香杳東籬雲冷
正愁予猶幸
是西風少

葉下亭臯渺渺秋何爲者
無錢持蟹對黃花又孤
負重陽也

漢宮春

壽王尉

雲澗之癯有詩盟未了鷗泛江湖一官直爲仙耳
不受塵驅高情逸韻自蘭亭已後都無準擬畫剡
舟夜雪與君相對成圖半竹苔寒如此問誰歎
來者鶴伴熏爐何如貯之天上風露冰壺江南春
早想梅花不肯欺吾疑便是孤山之北水香月影
林逋

探梅用瀟灑江梅韻

問訊何郎怎春風未到却月橫枝當年東閣詩興
夫豈吾欺雲寒歲晚便相逢已負深期煩說與秋

崖歸也留香更待何時 家住江南煙雨想疎花
開遍野竹巴籬遙憐水邊石上煞欠渠詩月壺雪
甕肯相從捨我其誰應自笑生來孤峭此心却有
天知

醉江月

夢雪

問天何事雪垂垂欲下又還晴却春到梅稍香逗
也儘有心情行樂剡曲舟回灞橋詩在一笑人如
昨此情分付暮天寒月殘角 誰道飛夢江南羣
山如畫一一瓊瑤琢中有玉田三萬頃云是幼輿
丘壑招我歸來和春醉去休跨揚州鶴萬花曾約

酒醒當有新作

八月十四小集鄭子重帥參先月樓是夕

無月和朱希真插天翠柳詞韻

綠尊翠勺約秋風一醉小樓先月誰取寶奩奔帝
所深瑣玉華宮闕老桂香寒踈桐雲重生怕金蛇
掣那知天柱一峯別與天接我欲飛珮重遊寘
之衣袖照我襟懷雪玉斧難藏修月手待做明宵
清絕天地無塵山河有影了不遺毫髮舉杯相屬
喚誰牋與天說

壽老父

幅巾雲麓笑人生甕等何時是足莫道年來無好

處第一秣田新熟孫息乘鸞大兒薦鶚翁已恩袍
綠笑譚戎幕儘教岳也碌碌是則江南江北月
明飛夢認得溪橋屋多少睡鄉閑日月不老柯山
碁局唱箇曲兒喫些酒子檢點茅簷竹問梅開未
一枝初破寒玉

戊戌壽老父

且拚春醉問人間誰是十分如意道不好來人又
道也有一分好處管甚長貧只消長健切莫眉頭
聚儘教江路梅花依舊留住兒輩雖不如人有
何不可怎敢嫌遲暮但喜吾翁躔度轉喚起煙霞
深壑否極而亨剥餘而復長至迎初度龜圖羲畫

直從今日重數是年六十四屬有未疾而生日適冬至也

萬花園用朱行父韻呈制帥趙端明

花風初逗喜邊亭依舊春閑營柳煙草隋宮歌舞
地誰遣萬紅圍綉結酒因緣裝春富貴也要經綸
手笙簫聲裏一江晴綠吹縐是處羽箭如飛那
知鶴府花壓欄干晝油幙文書談笑了餘事儘堪
茶酒報荅東風流連西日綠外沉吟久與春無負
醉歸香滿襟袖

和君用

槎牙詩骨想生來無分史闡經幄呵護九關多虎
豹誰道去天一握奏賦兩都聞韶三月鴈遠書難

托一寒如許蟾枝莫倚高擢空使滿壑風煙半
村雪月孤負梅花約渺渺愁予初度也山沍同雲
垂幕鶴帳何如牛衣無恙麥隴占優渥不如歸去
簷花深夜春酌

送吳丞入幕

祈山底處爲二松千竹肯題崖壁雪洒談犀麾鴈
驚爾輩何煩涉筆使者知乎民其勞止且莫閑耕
織充言金石喚回春意無極雖則王謝人家一
癯仙澤面作蒼煙色茶竈筆床將雨屐吟到梅花
消息賤子何爲老仙如問莫道頭今白寒簑幾夢
斫朱看點周易

水龍吟

和朱行甫帥機瑞香

當年睡裏聞香阿誰喚做花間瑞巾飄沉水籠熏
古錦擁青綾被初日酣晴柔風逗暖十分情致掩
窻綃待得香融酒醒儘消受這春思從把萬紅
排比想較伊更爭些子詩仙老手春風妙筆要題
教似十里揚州三生杜牧可曾知此趁紫唇微綻
芳心半透與騷人醉

和朱行父海棠

晝長庭院深深春柔一枕流霞醉矇鬆欲醒嬌羞
還困錦屏圍翠豆蔻初肥櫻桃微綻玉欄同倚記

華清浴起渭流波暖紅漲膩棄脂水 燕子來時
天氣儘韶風與詩爲地芳叢丙歇露痕日釀英英
仙意莫恨無香最憐有韻天然情致待問春能幾
五更猶是拚今宵睡

蒲庭芳

擘蟹醉題

半殼含黃雙螯擘紫風流渾是蘆花江頭秋老誰
了酒生涯玉質金相如許怎消受明月寒沙橙香
也不閑左手除是付詩家 草泥行郭索橫戈魯
怒張翰浮誇笑鱸魚雖好風味爭些醉嚼霜前鬆
雪江湖夢不枉歸槎停杯問余其負腹是腹負余

耶

喜遷鶯

和余義夫行邊聞捷

淮山秋曉問西風幾度鴈雲蛩草鐵色驄
騎金花袍窄未覺塞垣寒早笳鼓聲中晴色
一羽不飛邊報君莫道怎乾坤許大英雄能
少談笑鳴鏑處生縛胡雛烽火傳音耗漠漠
寒沙荒荒殘照正恐不勞深討但喜歡迎馬
首猶是中原遺老閑何事待歸來細話一尊
傾倒

浣溪沙

趙閣學餉蠮螋酒春螺

半殼含潮帶靨香雙螯嚼雪迸臍黃蘆花洲渚夜
來霜短棹秋江清到底長頭春甕醉爲鄉風流
不枉與詩嘗

壽潘宰

夜醉淵明把菊圖宿醒扶曉又冰壺秋香留得伴
雙鳧併日蒲浮金鑿落明年初賜玉茱萸更書
欲上有除書

秋崖先生小藁卷之三十一

秋崖先生小藁卷之三十七

方岳 巨山

詞

齊天樂

和楚客賦蘆

孤蓬夜傍低叢宿蕭蕭雨聲悲切一岸霜痕半江
煙色愁到沙頭枯葉澹雲沒滅黯西風吹老蒲汀
新雪天豈無情離騷點點送歸客歸去來兮怎
得儘鷺翹鷗倚乍寒時節秋晚山川夕陽浦淑羸
得別腸千結濤翻浪疊那得似西來一筇橫絕搔
首江南鴈銜千里月

花心動

和楚客憶梅

雪帶邊寒，澹愁予雪中誰抱，竒節遜在揚州。逋老
孤山，芳信頓成消歇。江南茅屋，今安在，踈影瘦祗
堪嘆息。歸來未，沙頭立盡暮天雲碧。自笑梁園
賦客，倚舊日鞍韉，春風巾幘。問訊橫枝，暖熱新花
無處訪。尋詩閣幾年，不見冰霜面。知誰共批風支
月歸來也。鷗盟不妨再結。

風流子

和楚客惟揚燈夕

小樓簾不捲，花正開，燈火競春宵。想舊日何郎飛

金叵羅三生杜牧醉董嬌饒香塵路雲鬆鸞髻鬢
月襯馬蹄驕彷彿神仙劉安雞大分明富貴子晉
笙簫 人生行樂耳君不見迷樓春綠迢迢二十
四經行處舊月今橋但索笑梅花酒消新雪縱情
詩草筆捲春潮俯仰人間陳迹莫惜金貂

瑞鶴仙

壽丘提刑

歲十二月二十有九日實維綉衣使者
煥章公紱麟盛旦也岳敢拜手而言曰
月窮于紀星回于天蓋三百有六旬有
六日於是焉極而歲功成矣惟天之運

循環無窮一氣推移不可限量其殆極而無極歟分歲而頌椒守歲而爆竹人知其爲歲之極耳洪鈞轉而萬象春瑤歷新而三陽泰不知自吾極而始也始而又極極而又始元功寧有窮已哉天之生申於此時意或然也岳旣不能測識而又舊爲場屋士不能歌詞輒以時文體按譜而腔之以致其意

一年寒盡也問秦沙梅放未也幽尋者誰也有何郎佳約歲云除也南枝暖也正同雲商量雪也喜東皇一轉洪鈞依舊春風中也香也騷情釀就

書味熏成這些情也玉堂深也莫道年華歸也是
循環三百六旬六日生意無窮已也但丁寧留取
微酸調商鼎也

壽宋侔七月二十三日

中元纔過節正宇宙澄清一天寒碧涼颼動秋色
筭佳辰恰是下弦當日天生俊傑富文才塊竒挺
特看葱葱和氣薰城共慶武夷仙伯難得釣鰲
連六虎榜登名新題淡墨從容蓮幕遊花縣無邀
隔縱風流別駕難淹紫詔行對天顏咫尺更堪誇
萱草長春紅衣交列

哨遍

問月

月亦老乎勸爾一盃聽說平生事吾問汝開闢自
何時有乾坤更應有爾年幾許鴻荒邈哉遐已吾
今斷自唐虞起繫帝曰放勳甲辰踐祚數至今宋
嘉熙凡三千五百二十年餘嗟雨憊風儻幾盈虧
老兔奔馳癡蟆吞吐定應衰矣噫月豈無悲吾
觀人壽幾期頤烟烟雙眸子明清無過嬰兒但纔
到中年昏然欲眊那堪老矣如何似試以此推之
吾言有理不能不自疑耳恐古時月與今時異恨
則恨今人不千歲但見今冰輪如洗阿誰曾自前
古看到隋唐世幾時明潔幾時昏暗畢竟少晴多

雨須臾月落夜何其曰先生寘之姑醉

用韻作月對和程申父國錄

月曰不然君亦怎知天上從前事吾語汝月豈有
弦時柰人間井觀乃爾休浪許曆家繆悠而已誰
去魄死生明起又明死魄生循環晦朔有老兔自
熙熙妄相傳月遡日光餘嗟萬古誰知了無虧玉
斧修成銀蟾犇去此言荒矣噫世已堪悲聽君
歌復解人願挂魄何曾死寒光不減此兒但與日
相望對如兩鏡山河大地無疑似待旣望觀之水
輪漸側轉斜終一鈎耳論本來不與中秋異恐天
問靈均未知此又底用咸池重洗乾坤一點英氣

寧老人間世飛上天來摩挲月去總信有晴無雨
人生圓缺幾何其且徘徊與君同醉

眼兒媚

泊松洲

鴈帶新霜幾多愁和月落滄洲桂花如許菊花如
許怎不悲秋江山例合閑人管也白幾分頭去
年曾比今年曾比煙雨孤舟

鵲橋仙

七夕送荷花

銀河無浪瓊樓不暑一點柔情如水肯捐蘭珮了
渠愁儘閑却織織機杼波心沁雪鷗邊分雨剪

得荷花能楚天公煞自解風流看得我如何銷汝

辛丑生日小盡月

今朝廿九明朝初一怎欠秋崖箇生日客中情緒
老天知道這月不消三十春盤縷翠春缸搖碧
便泥做梅花消息雪邊試問是耶非笑今夕不知
何夕

玉樓春

秋思

木犀過了詩憔悴只有黃花開又未秋風也不管
人愁到處相尋吹短袂露滴碧觴誰共醉腸斷
向來携手地夜寒牋與月明看未必月明知此意

虞美人

見梅

鷗清眠碎晴溪月幾夢寒簑雪斷橋籬落帶人家
枝北枝南初着兩三花 曾於春底橫孤艇香似
詩能冷娟娟立玉載歸壺渺渺愁予肯入楚騷無

秋崖先生小藁卷之三十七

秋崖先生小藁卷之三十八

方岳 巨山

詞

一剪梅

客中新雪

誰剪輕瓊做物華
春遶天涯水遶天涯
園林曉樹
恁橫斜道是梅花
不是梅花
宿鷺聯拳倚斷槎
昨夜寒些今夜寒些
孤舟篔簹釣煙沙
待不思家
怎不思家

燭影搖紅

立春日東高內翰

輦路融晴宮雲逗曉青旂報梅邊香沁綵鞭寒初
信花風到笑語誰家簾幕鏤冰絲紅紛綠鬧髻橫
玉燕鬢顫瓊幡不能知掉 看見春來麩塵微漲
催蘭擢嬌黃拂略上柔條等得鶯眠覺引出千花
萬草喜攬先椒盤竹爆問誰天上瑤帖初供玉堂
歸傑

最高樓

壬寅生日

溪南北本自一漁舟煙雨幾盟鷗白魚不負鸕鷀
杓青篔不減鷓鴣裘怎無端貪射策覓封侯 既
不似古人能識字又不似今人能識事空老去自

宜休帝鄉五十六朝暮人間四十四春秋問何如
茅一把橘千頭

壽黃宰 七月十六日

朝元了萬鶴放班回携月下天來初平家看青羊
石滕王閣醉綠螺盃試鳴琴花蕩漾玉崔嵬 前
十日鵲橋飛寶輦後一月兔奩開玉鏡秋色淨夜
徘徊申從五嶽三光出亥將二首六身排問何其
餐沆瀣譙蓬萊

和人投贈

秋崖底雲卧欲生苔無夢到公台有月鋤曉帶烏
捷去與煙簑夜釣白魚來問誰能供酒料辦詩材

君莫笑閑忙甚得勢也莫笑浮湛魚得計曾次
老雪崔嵬付老夫小小鷓鴣杓儘諸公衮衮鳳凰
臺且容儂多種竹剩栽梅

行香子

癸卯生日

說與樵青緊閉柴門道先生檢校東屯阿戎安在
未掃愁痕且免歌詞休載妓莫携樽 梅自生春
雪立前村道此盃酒也須溫無窮身外付與乾坤
誰共耕山閑釣水飽窺園

江神子

壯冊

窻綃深隱護芳塵翠眉顰越精神幾雨幾晴做得
這些春切莫近前輕着語題品錯怕渠嗔碧壺
誰貯玉粼粼醉香茵晚風頻吹得酒痕如洗一番
新只恨謫仙渾懶却辜負那倚欄人

發金陵

梅花吹夢過溪橋路迢迢雪初消似恁天寒詩瘦
想無聊聽得草堂人有語能幾日是生朝亂雲
深處洗山瓢鬢蕭蕭酒紅潮回首六朝南北黯魂
銷縱使鍾山青眼在終不似侶漁樵

水調歌頭

慶平交七月十七

世不乏季子藉甚有休聲芝蘭挺秀庭砌廣廈萬
間新胸次金天爽豁風骨玉堂清徹才器更輪菌
勁節九秋榦和氣萬家春 過中元纔兩日是生
辰瓣香西上都向此夕頌殷勤自有陰功天佑合
享人間長壽不獨我知君從此見今日丹桂伴靈
椿

瑞鷓鴣

中元過後恰三朝因甚庭闈喜氣飄李謫若非當
此夕申生應是在今宵 蒲斟綠醕歌檀口慢拍
紅牙舞柳腰富貴榮華誰得似祝公千歲樂逍遙

酌江月

壽松山主人七月十九日

楚天秋早過中元
撚指賞飛四莢怪得于門佳氣
蒲恰值生申時節
蓬矢當年椒盤今夕瑞木金爐
藝主人情重酒紅潮上雙頰
且看戲綵鼎分丹桂
蘭玉同班列更喜萱庭南極
老親授長生秘訣
養浩頤然後昌青紫
天報公陰德年年盛會祝延
椿筭千百

滿天芳

壽劉叅議七月二十日

秋入西郊律調夷則
韓堂風露清涼洞天昨夜響
動玉玎璫朱戶銀鐶放鑰
長庚夢應誕星郎垂弧

旦冀飛五莢簪履共稱觴 未施經濟手暫叅雄
府公論聲揚便好趨昌辰入輔吾皇況是中興啓
運正當宁夢想循良從茲去萬年佐主福壽總無
疆

壽通判七月二十二日

星昴呈祥山川鍾秀果然生此真賢精神瑩澈秋
水共長天况值西風初起中元七日涼生庭院爽
稱觴賀客車馬看駢闐 開筵稱壽處紅袖歌舞
脆管繁弦願公與椿松對閱天年縱使平分風月
不容暫吟醉茗川龍光近行看鳳詔促入秉鈞權

百字謠

壽丘郎 七月二十四日

河南靈地信從生俊傑皆由天佑見說簪纓稱世
襲復是青氈還舊學海淵源筆端鋒鏑未遜誰居
右使臺暫贊直須黃閣環召 欣遇初度良辰中
元節過九日方稱壽好看萊衣舞處盡羨一門三
秀名過河東迭居宰職復見常平胄祝君遐筭南
山松栢長茂

秋崖先生小葉卷之三十八

Blank manuscript page with vertical columns.

卷五 第... 二十四日

棲霞長春子丘神仙磻溪集卷第三

毛醜詞

無俗念

十二首亦名醉江月

居磻溪

孤身蹭蹬泛秦川西入磻溪鄉域曠谷巖前
幽澗畔高鑿雲龕棲跡煙火俱無簞瓢不置
日用何曾積飢餐渴飲逐時村巷求覓選
甚冷熱殘餘填腸塞肚不假珍羞力好弱將
來餬口過免得庖廚勞役壯貫皮囊熏烝關

竅圖使添津液色身輕健法身容易將息

歲寒守志

同雲瑞雪正三冬鬱閉嚴凝時節寂寞山家
孤悄悄終日無人談說敗衲重披寒壑獨坐
夜永愁難徹長更無寐朔風穿戶淒冽求

飯朝入西村臨泉夾道玉葉凌花結

陝西有
一種草

長二尺許不知名秋冬則上莖死下莖活
曉寒則於半莖之間結冰二稜如箭羽狀凍

手頻呵仍自恨濁骨凡胎為劣晝夜參差飢
寒逼迫早晚超生滅須憑一志撞開千古心

月

評棊

前程路遠未昭彰
金玉仙姿靈質寂寞無功
天賜我棊局開顏銷日古
柏巖前清風臺上
宛轉晨餐畢幽人來訪雅
懷閑闔機密初
似海上江邊三三五五亂
鶴群鴉出打節衝
聞成陣勢錯雜蛟龍蟠
屈妙筭嘉謀斜飛正
跳萬變皆歸一舍弘神用
不關方外經術

讚師

漫漫苦海似東溟深闊無邊無底逦逦群生
顛倒競還若游魚爭戲巨浪浮沉洪波出沒
嗜欲如癡醉漂淪無限化鵬超度能幾唯
有當日重陽惺惺了了獨有衝天志學易
年高心大悟掣斷浮華韁繫十載丹成一時
功就脫殼成蟬蛻從師別後更誰風範相

絲
絲

蓑衣

深溪古岸到秋來莎密茸茸無極揀擇脩織

歸洞府虛落晴天吹炙兩束絲乾千條繩就
不假良工織閑軒親自結成漁父裝飾時

伴樵牧嬉遊青山綠水帶雨和煙適妙絕堪

珍幽徑晚披雪衝開蘆荻我本忘名人皆易

號喚作蓑衣客礚溪皆呼佗年功滿化雲天

上無跡亦作化雲
巖上留跡

竹

虛心翠竹稟天然一氣生來清獨月下風前

堪賞翫嘲謔令人無俗嫩葉蕭騷隆冬掩映

秀出千林木
英姿光潤狀同玄圃寒玉
好

事東里曰侯

乃東隣
庵主也

南溪新種使我開青目

盡日高吟窻外看風飈筠梢搖綠冉冉幽香

蕭蕭踈影坐卧清肌肉雲龕閑伴雅懷惟稱

仙福

月

偎巖傍隴

搯音隘

長更蕭索昏魔非一皓月澄

澄山上顯天角輝輝初出露結霜凝金華玉

潤淡蕩何飄逸清臨寰宇發揚神秀姿質

嚶愴六合群情淹沉幽昧慘怛劬勞疾大闡
良因弘濟度皆得逍遙寧謐浩氣騰騰餘光
藹藹至性那虧失圓明法界法輪常自克實

暮秋

霜風蕩颺舞飄零木葉斜飛阡陌極目長郊
凝望處衰菊爛熳猶坼點點蒼苔漫漫朝露
漸結清霜白山川高下盡成一片秋色蕭
灑萬物摧殘淒涼天氣愁損征途客水谷雲
根無可翫獨有蒼蒼松柏悟道真仙忘機逸

士亘古同標格欺寒壓衆自來天地饒得

述懷

群山四瀆暮天晴揮斥陰魔潛伏太一巖前
風道快千尺波翻蟾足怒雪驚濤衝堤拍岸
雷輓雲翻逐青鷗白鷺月明江上飛速高
下萬疊千群相呼相召會合清江曲寶月神
珠時逗引輓出都忘鈴束踴躍飄飄玲瓏燦
燦價忽連城玉含弘光大上天入地翻覆

仙景

十洲三島運長春不夜風光無極寶閣瓊樓
山上聳突兀巍峩千尺綠檜喬松丹霞密霧
簇擁神仙宅漫漫雲海奈何無處尋覓 遙
想徐福當時樓船東下一去無消息萬里滄
波空浩渺遠接天涯愁碧痛念人生難逃物
化怎得游仙域超凡入聖在乎身外身易

樂道

迎今送古歎春花秋月年年如約物換星移
人事改多少翻騰淪落家給千兵官封一品

得也無依託光陰如電百年隨手偷却有
幸悟入玄門擘開疑網撞透真歡樂白玉壺
中祥瑞罩一粒神丹輝霍月下風前天長地
久自在乘鸞鶴人間虛夢不堪回首重作

性通

法輪初轉慧風生陡覺清涼無極皓色凝空
嘉氣會豁蕩塵凡胷臆五賊奔亡三尸逃遁
表裏無蹤跡神思安泰湛然不動戈戟信
步紫陌紅塵飢餐渴飲度日隨緣覓物外閑

中天地寶時復玳瑁敲擊後約叅軒師前程
歸路自有真消息鶴書來召坐昇雲漢游歷

沁園春

六首

示衆

世事紛紛似水東傾甚時了期歎利名千古
爭馳虎豹丘原一旦總伴狐狸枳棘叢中桑
榆影裏亂塚堆堆誰是誰君知否謾徒勞百
載空皺雙眉爭如歸去來兮放四大優游
無所爲向碧巖古洞完全性命臨風對月笑

傲希夷一曲玄歌千鍾美酒日月循環不老
伊童顏在鎮龜齡鶴壽罷唱黃雞

又

列鼎雄豪兔走烏飛轉頭悄然似電光開夜
雲中乍閃晨霜迎日草上難堅立馬文章題
橋名譽恍惚皆如作夢傳爭如我做忘機息
慮返樸歸原 壺中異景堪憐是別有風花
雪月天翫四時時現祥雲瑞氣三光光罩玉
洞瓊筵滿泛流霞高吟古調骨健神清丹自

圓真堪愛待功成一舉永鎮飛仙

又

智慧男兒速悟塵勞勿將性疲但此身彼物
皆名幻化多虛少實不可追隨萬種纏絲千
般汨沒荏苒光陰老却伊爭如向大玄真教
法討論希夷 乾坤蕩蕩無依似一片閑雲
出世竒悟性宗合道恩山易挫神舟得岸苦
海難迷行滿功成仙游羽化物外何如土底
歸無佗事要昇天入地俱在心為

心通

大智閑閑放蕩無拘任其自然寄雅懷幽興
松閒石上高歌沉醉月下風前玉女吹簫金
童舞袖送我醺醺入太玄玄中理盡浮沉浩
浩來去緜緜 竒哉妙景難言筭別是人間
一洞天傲立身敦厚山磨歲月從佗輕薄海
變桑田神氣沖和陰陽昇降已占逍遙陸地
仙無煩惱任開懷縱筆在寫篇

讚佛

淨梵王宮太子慙懃雪山六葢把世情我態
絲毫斷念雲根水谷麻麥充飢芥納須彌毛
吞大海自古男兒了悟時超生滅任循環宇
宙不管東西 圓成無得無知信法界空空
寂滅機又勿勞習定安禪作用偷閑終日打
坐行治音平大理無時真功非相動靜昏昏合
聖規無高下但能通般若總證牟尼

九日號縣傳宅作 朝真醮

曄曄重陽秀氣飄飄廓周大千正故庵交會

賓朋浩浩

每年重九日道
友集祖庵燒香

青霄依約鴻鴈翩

翩是處登高銜杯逸興放曠猶如陸地仙朝

真會讚金風淡蕩玉露新鮮

黃花嫩蕊堪

憐散裊裊清香滿坐傳使衆人得味皆明至

道群鶯無語獨王音去秋天艷杏妖桃繁華春

景莫與迎霜敢鬪堅乘嘉趣對芳叢爛飲一

醉三年

水龍吟

六首

西號

鳳鳴南邑清嘉大仙降跡行鸞地琳宮寶閣
星壇月館槐陰竹翠煙蓋雲幢影搖寒殿往
來呈瑞向虛亭東望平川似錦洪河泛渺天
際 山秀水甜人義遍坊村各生和氣我來
不忍輕歸劉蔣村乃故庵名天心地肺須待他時
暗淘真秀育成丹桂去長安路上眠冰卧日
作終身異

警世

筭來浮世忙忙競爭嗜欲閑煩惱六朝五霸

三分七國東征西討武略今何在空悽愴野
花芳草歎深謀遠慮雄心壯氣無光彩盡灰
槁 歷遍長安古道問郊墟百年遺老唐朝
漢市秦宮周苑明明見告故址留連故人消
散莫通音耗念朝生暮死天長地久是誰能
保

夜晴

夜晴寥廓初寒淡天瑩徹瑠璃翠無陰樹下
長安樓上月明風細百禍潛銷萬家同賞一

般清味見金星朗朗銀河耿耿交光燦滿天
地流轉碧空如水任縱橫略無凝滯衝山
拍海傾光騰秀綿綿吐瑞達了從茲寶竝堅
固玉漿時泥音去把衷情欲訴何人會得且陶
陶醉

春興

昊天空闊初晴氣迴萬物欣欣茂亭臺俯仰
山川高下莊成錦繡碧洞清泉響聞迢遞一
聲長溜更時時注目悠悠遠看青峰上白雲

湊無限靈禽異獸慰閑心不辭柴瘦含風
翠柏雙崖爭長千株競秀耀日丹臺四時爲
伴百年隨壽任寒來暑往星移物換得高眠
晝

又

洞天春色盈盈亂山秀出千堆錦雲收雨斂
曉晴煙淡碧空橫枕高卧怡怡頓開懷抱釋
迷忘寢看仙花瑞草迎風照日騰光彩異凡
品歡慶時豐歲稔萬邦寧百邪俱禁太平

國裏長安陌上縱橫有甚大道無疑傍門斜
徑不須詳審是從來浩劫神仙過路但曾經
恁

道運

混元南嶽初開瑞雲透出崑崙表星移電轉
陰昇陽降紅光縹渺鶴舞鸞翔看烏龜共赤
龍蟠遶盡鴻濛一氣烹成造化神仙道片時
了雲散十方三界洞天深月明風裊此時
占得長生門戶遐齡體調吟詠從佗海移山

變石枯松老伴煙霞獨向非非境外恨知音
少

滿庭芳

四首

述懷

漂泊形骸顛狂蹤跡狀同不繫之舟逍遙終
日食飽恣遨遊任使高官重祿金魚袋肥馬
輕裘爭知道莊周夢蝶蝴蝶夢莊周 休休
吾省也貪財戀色多病多憂且麻袍葛屨閑
度春秋逐疇巡村過處兒童盡呼飯相留深

知我南柯夢斷心上別無求

警世

百尺危樓千閒峻宇艷歌出入從容幻身無
賴何異燭當風舊日掀天富貴當時耀絕代
英雄百年後都歸甚處一旦盡成空 諸公
聞早悟抽身退跡躍出樊籠念本初一點牢
落無窮幸遇時平歲稔偷閑好消息圓融忘
機處靈波湛湛獨鎮水晶宮

余自東離海上西入關中十五餘年

捨身求道 聖賢是則墳塋罷修考
妣枯骸孰加憐憫邇聞鄉中信士勗
力葬之懷抱不勝感激無以爲報遂
成小詞慇懃寄謝云

幼稚拋家孤貧樂道縱心物外飄蓬故山墳
壠時節罷修崇幸謝鄉豪併力穿新壙起塔
重重遺骸並同區改葬遷入大塋中 人從
關外至皆傳盛德悉報微躬耳聞言心下感
念無窮自恨無由報德彌加志篤進玄功深

迴向虔誠道友各各少災凶

九日

寒鴈聲迴園林色變暮秋別是風光練波橫
地錦樹應天長過雨雲山磊落迎霜茂金菊
芬芳佳辰會千門萬戶歡笑慶重陽 嘉祥

誰得遇吾門四友極味先嘗乃頻霑清露時
倒霞漿飲罷醍醐灌頂歸來後月滿虛堂無
愁思陶陶快樂醕酊入仙鄉

神光燦

三首本名
聲聲慢

悲歡絕念視聽忘懷從初號曰希夷不曉根
源剛強說是談非百般拈花摘葉謾徒勞使
盡心機這些事算人人易悟箇箇難依不
在唇槍舌劍人前鬪惺惺廣學多知上士無
爭只要返樸除疑冥冥放開四大把塵勞一
旦紛飛認得後管教賢拍手笑歸

又

推窮三教誘化群生皆令上合 天爲慕道

修真行住坐卧歸依先須保身潔淨內常懷

愍物慈悲挫剛銳乃初心作用下手根基
款款磨礱情性除貪愛時時翦拂愚迷福慧
雙全開悟自入希夷靈臺內思不疚任縱橫
出處何疑徹頭了儘虛空裁斷是非

又

修真門戶大道家風長春境界無邊秀氣盈
盈閑裏別有壺天天中自然快樂運三光日
月周旋忘伎巧任淳風坦坦聖道平平鼻絲切
一念還鄉寂處三宮罩清靈萬派歸源浩浩

神光來去透骨絲絲行人頓除造作待功成
指日登仙未行者向詞中明取一言

上丹霄

三首本名
上平西

迷惑

洞天清神山秀少人行盡貪戀世夢崢嶸仙
風瑞景眼前雖頓却如盲愛河終日競浮沉
來往縱橫 東方出西方沒南方死北方生
四方轉異類翻騰區區甚日道眸開闡欲心
更願將靈質悟空華彼岸高登

贈京兆府統軍夾谷龍虎

感皇恩承天詔控西南大門敞高對煙
嵐雙權再任過期無代復登三晏然軍國事
和平災害封緘年將暮心歸道搜玄路訪
清談降尊寵謙下無慚山人放曠本來無得
有何叅但能慈忍戒荒淫名挂仙銜

荅隴州防禦裴滿鎮國

厭塵勞拋家計慕清閑向物外觀照人間須
吏變滅蜃樓歌側海濤翻暫時光景轉身体

百歲如彈 掀天富傾城麗過人勇徹心女
盡逐境顛倒循環紛紛醉夢往來爭奪苦摧
殘不如聞早伴煙霞高卧雲山

月中仙 三首

賞月

日色西沉上高臺迴觀天地寥廓踈星隱現
空音去一輪明月昭昭無著皓然三界外似百
鍊青銅鑑躍處處恩光被家家照臨庭戶啓
溟漠 長生萬里清風助乾坤蕩搖雲霧難

作仙宮寶殿正爛霞金碧相輝參錯大哉銷
夜景鎮千古含弘磊落有志攀青桂蟾宮免
邊看搗藥

山居

側磬懸鍾慕巢由隱淪活計蕭索天然耿介
愛一身孤僻逍遙雲壑利名千種事我心上
何曾挂著幸遇清平世諸軍宴安刀劒罷揮
霍 民歌兩穗之豐教門興我忘三島之約
來賓去友遞日常幽谷驂鸞騎鶴洞前無限

景異花秀香風噴薄更謝沂源衆衣餐助余
長嘯樂

對松

落落長松倚浮雲大山高占幽僻亭亭隱士
愛洞天巖穴深藏虛極對門開是景挂猿狖
離羅峭壁盡日無佗事唯調虎龍交媾坐磐
石 時時鶴聽嘉音動笙篁轉流空外飄激
人明至道惡管絃幽噎花間沉溺出群常羨
此歲寒重孤凝黛色鍊性超於彼身閑永同

居壽域

瑤臺月

二首

自詠

平生懶墮只贏得無憂一枕高卧蓬頭構面
不管形骸摧挫任三光日夜奔馳放四大林
泉擔荷深溪畔幽巖左青山擁白雲鎖災禍
雷轟電掣無由近我日午起行了還坐把
舊習般般打破清閑處唯有這些兒箇倦貪
心樂受貧窮愛恣意慵興煙火糧無貯丹無

貨蕭然唱灑然和堪可神仙未了優游且過

勸酒

浮名浮利歎今古悠悠顛倒人泥音去茫茫宇

宙多少含靈愚智盡勞生終日貪圖競抵死

奔波沉滯觀烏兔嗟身世百年壽一春寐虛

費爭如滿酌流霞送醉助四大聊壯神氣

辨萬化休論富貴時時訪山谷道人游戲傲

猖狂物外高吟慶滑辮杯中美味開懷抱忘

愁繫解其忿挫其銳遙致青松皓鶴緜緜度

歲

木欄花慢二首

轉輪

歎靈源曠代本無極信優游自樸散形生銷
磨混沌落入行囚竝竝四方宛轉向迷津大
海苦淹留法界群情擾擾夢魂千古悠悠

淪流販骨如山知何日是程頭好鍛鍊真空
三光慧照萬劫雲收終須捨身拚命更惜頭
護面幾時休裂碎中間一點便超得岸神舟

西號作善者多而感應屢至

佇登臨曠望湧雲氣北山興旋恍惚陰陽虛
無變化寥廓克盈竒峰狀如太華靄稜層峻
極染空青急雨翻盆潑墨迅雷激電飛聲

威靈大騁神通三伏暑結凝冰歎是處飄風
良田遇害厦屋遭傾唯斯道鄉幸感屢涔涔
至也忽然輕深信

皇天輔德善因惡果分明

望海潮 二首

學道

神仙風範長生門戶從來道德為基餘外萬
般留心一念顛狂造作皆非真教示開迷自
上古軒轅龍駕騰飛代代相傳授至今日盡
歸依虛無千聖同規蓋摧殘嗜欲剖判天
機貪利喻離觀身似夢婪耽不整容儀恬素
返希夷任構面蓬頭紙襖麻衣行滿都拋却
泛寥廓步雲霓

脫俗

堅牢基址清閑門戶生涯不比塵緣幽曠大
山通明上士逶迤傲傲神仙勤動向巖前緩
植桂栽松藥圃芝田萬仞高峰下伴龜鶴度
流年 吾常志僻心顛愛簞瓢淡薄詞翰嘲
掀幽洞小溪開懷取興時成短句長篇馳馬
勝花牋任奮筆狂吟走霧飛煙放蕩如如性
混終日恣乾乾

醉蓬萊

一首

九月十八日西虢劉氏醮

乍 三清鶴降萬里雲收昊天空翠玉磬琅
琅動乾坤聲銳盡日修齋虛堂設醮慶

大仙恩惠滿獻霞觥長歌妙曲留連 師意
二九良辰菊花開遍正是重陽素秋佳氣爛
漫香風健飄飄丹桂秀景稀逢 上真難遇
幸一時相際鴈影沉沙蟾光照夜醺醺同醉

齊天樂

一首

憶法眷

自東離海上元本三州四人同契異域殊鄉

同行並坐終日相將游戲談玄論妙究方外
清虛道家真味唱和從容一時法眷情何義
如今分頭迴然苦志勤心磨鍊各逃傾逝既
是飄零難爲會合幽僻關山迢遞乾坤間隔
望落落猶如曉星之勢再遇何年駕雲朝
玉帝

漢宮春

一首

苦志

二十年閒大魔交正陣約度千重狂弓迸箭

原书缺页



原书缺页



原书缺页



原书缺页



狺狺此物蓋多生乖劣一性昏迷談科演教
叮嚀指耳難知然雖太上駕親臨無處慈
悲爲人早早修持還到恁時發忿應遲

喜遷鶯 一首

鍊心

要離生滅把舊習般般從頭磨徹愛欲千重
身心百鍊鍊出寸心如鐵放教六神和暢不
動三尸顛蹶事猛烈仗虛空一片無情分別
關結除縲紲方遇至人金口傳微訣頓覺靈

風吹開魔陣形似木雕涅槃既得性珠天寶
勘破春花秋月恁時節鬼難呼唯有神仙提
挈

雙雙鷺 一首

春山

春煙淡蕩青山媚行雲亂飄空界花光石潤
秀出洞天竒恠戶牖平高萬丈盡耳目臨風
一快多生浩劫塵情曠朗渾無纖芥 堪愛
逍遙自在踈枷鎖拋離業根冤債風隣月伴

道合水晶天籟無限崢嶸勝景盡賜與山堂
教賣千聖寶珠酬價問君誰解

鳳棲梧

四首

寄東方學道者

天下風光何處好八水三川自古長安道錦
樹嶂山方曲遶天涯海角誰能到 既是拋
家須早早雲水登程莫戀閑花草直至潼關
西嶽廟教君廓爾清懷抱

道友見訪于磻溪

孤僻堪巖清淨界鑿土安身抱道忘解道
友相看唯莫恠貧閑守拙無相待 富貴功
名堪倚賴多是多非尖嶮多成敗玉食馨香
終不耐簞瓢寂淡常安泰

又

今日思量當日故知我前程迢遞時難度福
祐不弘 天不助忽忽欲去無門去 走骨
行屍心已悟魂夢悠悠且向磻溪住幸謝街
坊豪傑戶時時鷲渭來相顧

述懷

西轉金烏朝白帝東望銀蟾皓色籠青桂漸
扣南華排菊會滿斟北海醺醺醉醉卧終
南山色裏山色清高夜色無雲蔽一鳥不鳴
風又細月明如晝天如水

萬年春

四首本名
點絳脣

土壟

上穴秋來温温漸覺陽和勝幽棲興道家偏
稱踈懶多貧病凜冽天寒葉落山川淨窻

前競雪飄風勁熱焙閑吟詠

陝西呼
炕爲焙

衲衣

衲襖秋來著身漸覺時相稱霜天淨暢懷遊
興不怕西風勁百片千條上下穿聯定寬
還正外踈狂性內放明珠瑩

杜鵑

春暖煙晴杜鵑永日啼芳樹聲聲苦勸人歸
去不道歸何處我欲東歸歸去無門路君
提舉有何憑據空設閑言語

驚睡

秋夜沉沉漏長睡
酷多思想須依仗
道情和暢不縱魔
軍王打疊神情物
物離心上虛空帳
慧燈明放坐待金
雞唱

忍辱仙人

七首本名
漁家傲

號縣元押司求

物外天機唯不審
人間世事無過恁
縱你英雄官極品
身如賃貧饕逼迫
應圖甚我自飢餐
并渴飲布裘不羨
被綾錦飽暖之餘
邪

僻禁虛堂任曲肱展脚和衣寢

春澤

數載田苗長亢旱今春雨雪何滋漫嘉兆分
明知過半將來看掀天大熟哥謳滿 二月
花開成片段千株柳發排堤岸又待教人裝
好漢相呼喚提壺挈榼爭跳竄

又

一澤天恩齊慶賀群生地著無饑餓愁態眉
閒都蹴破還真箇盈街堆畝收田課 醞酒

邀賓時唱和排筵看食重堆種醉飽腥膻心
不挫驕矜過却憂福裏潛生禍

春興

春日春風春景媚春山春谷流春水春草春
花開滿地乘春勢百禽弄舌爭春意 澤又
如膏田又美禁煙時節堪遊戲正好花間連
夜醉無愁繫玉山任倒和衣睡

聲色

豪氣衝天居列鼎笙歌聒地排淫境玉鐙飛

龍衫帽整風流騁不知撲入瑠璃井
滑壁千尋光似鏡交加出路無門徑
饒你玲瓏機巧性難逃命與他送却頭皮影

妙用

千古聖賢皆一軌亘初得得從心起
除此道遙安穩地無餘理自然消息恬然美
不在勞神并苦已般般放下頭頭是選
甚花街并柳市虛空體本來一物無凝滯

又

天下周游身不動人間照了心無用閑把虛
空頻趯弄行雲從八方上下輕收縱 兔角
錐兒鑽骨痛龜毛拂子敲山重掃蕩邪魔靈
物空清風送太平國裏乘鸞鳳

黃鶴洞中仙

三首本名
卜筮子

贈同道

都要奔波走誰肯堅心守南北東西總一般
此外無佗有 踏盡鐵鞋迷不出庵門透水
到渠成本自然行滿功還就

號縣渭南樂裏

此地風光勝人物俱相應
水竹深藏數十家
戶戶知天命 我愛清虛景
策杖尋幽徑
每日巡村轉一遭
信步閑吟詠

自述

故里在天涯
海上無名士
因遇 終南陸地
仙挈我來遊
此 素愛斷蓬飛
野鶴孤雲志
頂笠披蓑人
不知便是風狂子

望蓬萊

四首本名
望江南

王喬二生架屋于渭水之南頗遂幽
曠因以望蓬萊詞贈之

王喬地一曲甚清嘉古道彎環連水石垂楊
檜檜帶煙霞桃李閒桑麻 其中有崇道兩
三家知命固窮皆淡薄樂天清儉不奢華隨
分保生涯

秦川

秦川好一片錦紋華日出雨晴山色秀月明
風急水聲嘉千里淨無涯 余到此喜慶復

難加天祐時豐堪養道地靈人傑不生邪時
復伴煙霞

南溪竹

礚溪舊隱也

南溪竹騰秀入青冥直節虚心功未顯深根
固蒂道先明霜雪豈凋零休悵恨大器晚
圓成自有孤高棲鳳質能教倜儻化龍形佗
日看超昇

遊興

飄蓬客天賜水雲閑自在行時無日月相隨

到處有蓑蠻風雨亦開顏
修鍊事地軸鎖
天關出有入無三尺劍
長生不死一丸丹
名列上仙班

青蓮池上客

二首本名
青玉案

入關

重陽羽化登仙路
兄弟如何措
各各勤修生
覺悟通無入
有靜思忘念
密考丹經祖
一
時浩劫真空露
放蕩情懷任
詩句直待人間
功行具雲朋
霞友爽邀風
月笑指蓬瀛去

幽棲

一從東別長安道西住磻溪廟漸扣南山名
跡杳洪溝冷淡土龕蕭洒北府何曾到 夜
深陌上行人悄獨聽巖前子規叫切切松梢
啼到曉聲聲相勸不如歸去爭奈功夫少

報師恩

五首本名
瑞鷓鴣

削髮留髭

不僧不道不溫柔九伯人前不害羞覺性一
時超法界知身億劫是吾囚
改頭換面人

難悟走骨行屍我不憂得意忘形還撲去從
教人笑不風流

號縣渭南樂裏

一方勝景滿川稀水竹彎環四面圍蒹檻名
花紅冉冉當門幽檜綠依依爭歌稚子春
風舞鬪巧靈禽曉樹啼社內人家三十戶崇
真修道壓磻溪

又

一橫嘉景日常新古柏森森四季春福地清

高稀俗事名壇時復會仙賓
人人盡喜生中國戶戶虔心敬
上真唯願諸公皆省悟
同登無漏出紅塵

贈眾道友

神仙縹緲太虛私世俗無由得見之
幸遇門庭開教化臨逢齋醮莫推辭
擔家造孽常終日作福治音平心只暫時更到時來心不謹
終身何以報恩慈

踈慵

看經教懶燒香兀兀騰騰似醉狂日月但
知生與落是非寧辨短和長 客來坐上心
慵問飯到唇邊口倦張不是故將形體縱養
成貧病療無方

金蓮出玉花

七首本名
花

得遇行化

重陽師父昔日甘河曾得遇大道心開設教
東游海上來 天涯迴首挈得吾鄉三四友
魏國昇遐驚動秦川百萬家

自述

蓬頭構面不管形骸貧與賤抱璞頤神恬
無憂樂本真冰姿玉體到了難趨沉土底
子羽潘安泉下枯骸總一般

法門寺李生求

一團殞肉千古迷人看不足萬種狂心六道
奔波浮更沉天真佛性昧了如何重顯證
寶範仙宗覺後憑君豁蔽蒙

夏旱

時當正熱正值天高時雨闕萬里晴暉雲欲
生來風旋吹如鑪天地盡日炎炎鎔暑氣
物困人疲憶得前春嫌雨時

西號南村

南村地勝曲水橫斜穿柳徑是處池塘拍塞
荷花映粉墻高堂大厦戶戶如幃堪入畫
峻嶺崇岡日日生雲遙降祥

青峰

雲收雨霽露出青峰寒骨勢野靜天空岌岌

高橫碧落中
南溪無景與爾炎天銷日永
永日題詩不賦閑愁只賦伊

至虢州與
丹陽致魔作外界人被

囚

登萊濰密四海皆聞頭插筆愛爭多詞不肯
饒人些子兒
余今向道非似從前生計較
好弱都休腦後如今沒筆頭

悟南柯

三首本名
南柯子

西虢劉氏作下元醮時喬生簪菊滿

頭

白露三秋盡清霜十月初羣花零落共蕭疎
唯有重陽嘉景獨魁梧 爛漫真堪愛馨香
不可辜人人皆插滿頭敷試問喬公簪著一
枝無

又

爛漫黃金蘂輕盈白玉枝重陽留得下元時
醮謝 星官特地獻 真師 牒奏 三天
主聲聞九地司存亡福慶已潛資大道洪恩

兼付出家兒

隴州防禦裴滿鎮國因病召余下山
將還乃子覓言遂書此以贈

浩浩塵埃境翩翩幻化軀中情不解了須臾
任意奔波顛倒走崎嶇逗引中丹壞銷磨
內藏虛悲愁災患共縈紆百便千方醫療不
能除

鍊丹砂

一首本名浪淘沙

贈西號周道全

守分莫強圖遣日閑居樂天知命忍蕭疎萬
事休論成與敗兀兀前途失也本來虛得
也何如百年返覆乃須臾不似中心存道念
賢聖相扶

清心鏡

三首本名
紅窓迴

警殺生

萬靈中人最貴超群化數屬三才品位愚夫
甚却騁兇頑便將為容易 殺害生靈圖作
戲全不念地獄重重暗記一朝若大限臨頭

與佗家愷氣

又

鬼神擒鞭撻跪愁開眼強欲思量巧計當頭
把業鏡高懸那冤家怎諱拔舌剜心酬快
意全不似舊日馨香美味三塗任百毒陵遲
再生人卒未

贈西虢醮衆時強公病噎疾

建齋筵須省可休羅列看食重重堆種本來
要薦福求恩却招殃惹禍強老先生還見

麼莫不是受用於身太過如今縱百味珍羞
眼相看嚙唾

玉鑪三澗雪

六首本名
西江月

勸同道楊公不遊海

最苦三冬冰雪難當萬里風塵天涯海角不
離身何處參同心印 况是中丹宛轉徒勞
外景因循爭如作伴到青春看我行藏遠近

勤勞

物外雖明端的天心未放玲瓏區區陌上走

西東也學浮生作夢 夢寐更勞數載巖龕
復度三冬待佗消息顯真功放出凌雲蟠螭

自詠

夜宿磻溪古廟曉登竹徑荒村日中無事餒
巡門淡飯求佗一頓 不會深窮造化隨緣
且度朝昏是非人我絕談論復返生前混沌

又

一性昭彰乍顯二儀混合初融飄飄法界任
西東到處神光覆擁 萬籟寒泉湊頂八方

瑞靄騰空怡然獨向九霄中坐看浮生作夢

暮景

杲日西沉遠隴輕颿南起洪崖飄飄逸興爽
情懷吹斷愁思俗態漸漸放開心月微微
射透靈臺澄澄湛湛絕塵埃瑩徹青霄物外

又

日落風生古洞夜深月照寒潭澄澄秋色淨
煙嵐獨弄圓明寶鑑認得心田要妙咄迴
世俗貪婪自欣山谷卧松巖情願披麤食淡

訴衷情三首

九日後作

紛紛霜葉亂飄颺時令過重陽
黃花爛漫依檻猶自吐清香
秋漸老夜彌長道情昌雲
庵入定法界游仙不動淒涼

又

孤城寒角韻悠颺風送入斜陽
池塘菡萏無色蘭畹有餘香
秋日短暮天長月華昌空
空寂照蕩蕩虛心一片情涼

風景

長安風景古今竒
吾道少人知
天心地肺時
正生殺按樞機
靈物秀玉芝
肥射虹霓山
頭凝望目下三川
壓盡華夷

解冤結

三首本名
解佩令

贈醮衆

山河已定干戈不起
太平時八方和義齋醮
頻修盛荅報虛空天地
謝洪恩暗中慈惠
千年一遇神仙出世
幸遭逢莫生輕易供養

精嚴但一歲勝如一歲遇良辰大家沉醉

自詠

當初學道憑空鍊已志衝天人間無比放曠
山林次後復逍遙雲水過夷門又臨秦地
飄蓬十載遊程萬里度關津崎嶇迢遞事事
諳來但悟了般般總棄只隨緣布裘芒履

覓飯

北方一日南方一日共東西四方交日夢寐
沉沉且往來遊行銷日待佗年道心開日一

百年短景都來幾日暗推排今朝明日不覺
推排到 聖賢嘉音來日洞天開是吾歸日

翫丹砂

三首本名
浣溪沙

遊歷

雲水飄飄物外吟醞醞默默醉中斟神仙活
計道人心 容易肯爭三寸氣尋常不貯一
文金清貧柔弱禍難侵

土壑避暑

仙院深沉古柏青森森寒影拂苔輕蕭條終

日爽人情 洞冷不知門外暑
心閑唯覺腹 中清遶身渾似積冰凌

退道

劒樹刀山雪刃橫 千磨百拷死還生
哀聲流血苦難登 針刺著身猶害痛
鋼鋸剗性莫非疼 如何淫放不修行

無漏子

三首本名
更漏子

樂道

去年禾今歲麥 陸地如雲克塞豐稔世太平

年黎民各坦然
衆心安閑客
易到處逍遙
無事昏告宿
餒求餐坊村
沒阻顏

秋霽

夕陽紅秋水
澹雨過碧天
如鑑籬菊綻
塞鴻歸長郊
葉亂飛
上西山
斟北海
酪酊神游
仙界霜夜冷
月華清
醺醺醉未醒

假軀

一團膿三寸氣
使作還同傀儡
誇體段
騁風流
人人不肯休
白玉肌紅粉
臉盡是浮華

莊點皮肉爛血津乾荒郊你試看盡是

恣逍遙

二首本名
帶人嬌

贈衆道友號縣渭南也

昔種良因今生福地虛空感未上真加衛開

壇闡化垂恩普濟凡一月於中建成三會

三七

也齋至日相呼臨時莫避乘齋且散心游戲

家中不足眉頭長繫也則是浮生過了一世

又

忙裏偷閑師前取意勝如那苦求庸昧連

朝抵暮貪生不已也道我爲人過了一世
假使狂圖兼能巧智多方便蘊成家計兒孫
有靠金珠沒底終比儻精神較些憔悴

桃源憶故人

二首

丹陽屢傳教誨寄荅

虛空照耀明如鏡好弱頭頭皆應隨逐狀同
形影稍錯還提正 佗人讒報渾虛佞遠道
狂言無證切告後來休聽默默依 賢聖

又

故人別後閑吟罷寂寞雲溪蕭灑百尺孤松
影下獨弄周天卦清風皓月雖無價妙手
竒工難畫欲向世間誇詫誰是分真假

好離鄉

二首本名
南鄉子

述懷

獨坐向南溪一事無能百不知所愛冥冥煙
雨後東西雲綻莪莪列翠微蒼骨太虛齊
冉冉寒光映日飛何事中心看不足忘歸似

有膏肓病著肌

又

亂草獨彎跼鼓腹高歌自在閑
一枕游仙清夢斷
怡顏笑傲聲喧碧嶂間
日午啓柴關
雀躍徘徊望遠山
山下有人來問道知難
雀躍無言笑却還

蓬萊閣

二首本名
秦樓月

仙山

蓬萊闕漫漫巨海深難越
深難越洪波激吹
怒濤翻雪
玉霄東畔曾聞說
虛無一境天

然別天然別鼇山不動蜃樓長結

述懷

棲霞客西游棲在南溪側南溪側千尋赤岸
萬株蒼柏無心只有輕雲白舉頭不見繁
華色繁華色空華雜亂世人貪得

藝花香

二首本名
行香子

學道

大道無形方寸何憑在人人智見高明能降
衆欲解斷群情作閑中閑忙中靜濁中清

情態如嬰懷抱如冰自蒙籠覺破前程吾言
至囑君耳深聽下十分功十分志十分成

又

征鴈迴時野菊凋爛向深溪古洞彎跼孤吟
靜境獨鍊還丹被夜蕭條控局促坐艱難
一性參差數載留連到如今方露因緣瓊珠
達地寶月通天便出玲瓏忘機構沒孜煎

下手遲

二首本名
恨歡遲

自詠

落魄閑人本姓丘住山東東路登州自少年
割斷攀緣網從 師父西遊 兀兀騰騰不
繫留似長江一葉孤舟任紅塵白日忙如火
但雲漾無憂

又

物外優游散誕身似青霄一片閑雲任虛空
來往呈嘉瑞但不惹纖塵 八方天游何所
親會三光日月星辰向閑中別沒生涯事且
作伴爲隣

心月照雲溪

一首本名
驀山溪

喬生喪偶

陰陽變化萬古同於此得失暫時閒又何必
欣生惡死存亡壽夭都在百年中迴頭看北
邙山累累皆相似身如賃舍性假權居止
何處是家鄉任六道循環驅使覺來放下不
受苦孜煎非眷屬莫憂佗且要隄防自

離苦海

一首本名
離別難

贈西虢周道全

知君好事從來慕爭奈染浮華難去雖然欲
意學飄蓬被繫脚繩兒縛住 忽忽頂上旋
烏兔切莫把光陰虛度神仙咫尺道非遙但
只恐人心不悟

武陵春

一首

渭南楊五生朝

新歲纔交生萬物時令近元宵瑞氣濛濛降
碧霄方誕謫仙苗 貌態堂堂殊勝敏歸道

厭凡囂石爛松枯壽更遙龜鶴筭都饒

水雲遊

一首本名黃鶯兒

自詠

且住且住且向碧巖忘機絕慮自知得分薄
緣輕卒難為顯露支離幻化藏名譽搯年
光時序共礚溪一帶豪民結良因妙趣

望遠行

一首

因旱贈渭南王坦公醮上諸道友

九夏疲天旱萬物傷時熱筭都為人心分外
生枝節闢衣鮮馬壯社火班行引拽小兄弟

虛耗村村結

關西風俗結年甲相次者為社春秋殺牲釀酒賽神取樂

下士無邪正

者所好從

上帝分優劣傲咱心不

同彼志胡漂撇

音飄瞥輕薄兒

啓虔誠修齋念善因

循歲月望

賢聖空裏相提挈

烏夜啼

一首

戒洗麵

嗚呼俗態行樂恣曾襟蓋論人情華世度光陰陰陽返覆天地有浮沉福謝殃來悲痛怎

生禁

統年纔過腸胃飽初侵洗麵淘筋還

是競貪淫人無遠慮必有禍胎深禍未萌時
誰解預防心

賀聖朝

靜夜

夕陽沉後隴收殘照柏鎖寒煙向南溪獨坐
順風長聽一派鳴泉迢迢永夜事忘閑性
琴弄無絃待雲中青鳥降祥時證陸地神仙

無夢令

二首

誠奢

陝右人人聽我福地好修因果天下不如斯
貧富一般行坐輕可輕可輕可驕矜太過

又

皇統年時飢餓萬戶愁生眉鎖有口却無餐
滴淚謾成珠顆栽禍栽禍臨頭怎趨

棲霞長春子丘神仙礮溪集卷第三